

辟支佛因緣論

四百廿二
渭五

50933



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置

Large, faint watermark characters, possibly '大正' (Taisho).

辟支佛因緣論

失譯人名今附秦錄



渭

波羅柰國王悟辟支佛緣

輔相蘇摩悟辟支佛緣

月愛大目悟辟支佛緣

王舍城大長者悟辟支佛緣

波羅柰國王月出悟辟支佛緣

拘舍弥國王大帝悟辟支佛緣

波羅柰國王親軍悟辟支佛緣

轉輪聖王最小子悟辟支佛緣

波羅柰國王悟辟支佛緣

歸命一切智世尊

了達三世大燈明



歸命無上出要法
我聞寂靜辟支佛
心無瑕穢降煩惱
譬如秋天無雲翳
我今渴仰彼功德
雖於彼所欲懷疑
孰聞使士清真行
我今將說辟支佛
昔從先師相傳聞
大象行道象子隨

并及應真諸勝僧
悟解因緣之所行
善護禁戒常清淨
憺怕自守林藪間
誠心敬順生信樂
彼力感我強今信
而不生於敬信心
功德妙行之少分
唯述正言無僞說
是故我今開顯示
問曰辟支佛以何因緣默然自守恆入捨心
住於山林幽谷河側寂靜之處心行寂故亦

無言說譬如犀角獨一之行何故如是又問
辟支佛有何功德答曰宿舊諸師咸作是說
昔佛於三十三天宮殿說法將欲來下還閻
浮提尔時帝釋敕毗首羯摩爲佛作三道寶
階還閻浮提此三道階下駐僧尸沙國如來
尔時從彼天宮乘階而下時釋梵天王與其
眷屬雨花供養時蓮華比丘尼見佛來下即
便化作轉輪聖王威儀形像七寶導從時衆
人等覩其如是咸皆生疑怪未曾有各作是
言頗復有能神力超絕踰勝於彼比丘尼不
尔時出尊見諸時衆覩三道階深生竒特復
見蓮華比丘尼作此神變咸生渴仰爲欲增

長彼信心故即告時會有辟支佛神力過於
彼比丘尼云何名勝彼使士者佛未出世則
於中出爲諸衆生而作利益示其色貌現有
飢渴受取衣食爲作福田莊嚴法行清淨寂
滅調伏離欲令諸衆生得見之者惡心永息
捨離刀仗猶如犀角獨一之行

傳從諸師得聞此事聞何事耶我昔曾聞迦
葉佛時有人出家於十千歲修行梵行護持
正戒修行忍辱經常精勤以修行故衆多比
丘皆來親近時諸比丘咸作是言當教授我
以教習故是等比丘心皆甘樂以衆闍故不
得見諦臨終之時而作是念我見十力其所

說法微妙深遠難可得聞然我得聞以放逸
故不獲道果我雖清淨持戒能行忍辱以教
化衆人憤鬧之故侵毀定心如彼霜雹害於
善苗是故令我不獲道果即說偈言

我今溺三有

衆惡煩惱中

猶如老瘦象

沒於深淤泥

獨處於林間

譬如犀一角

遠離諸徒衆

如避猛熾火

應當獨修行

遠離於憤鬧

願我常遠離

徒黨衆憤鬧

發是誓願命終生天天上受樂福盡命終生

迦尸國波羅柰城中梵摩達王第一夫人胎

中入胎之時夫人身體譬如清池有柔軟花

亦時夫人覺有娠已以偈白王

我覺有娠來 歡悅生恩惠 此必是兒志

宜應赦有罪 時王聞歡喜 尋即赦天下

又復白王言 復應廣布施 王聞益歡喜

尋即開庫藏 賑賜貧窮人 無不充足者

亦時夫人生太子已端正殊特如似滿月年

始八歲聰明慈仁其父王崩國人愛樂如盛

滿月時有輔相名曰言說言說輔相即立太

子以紹王位雖復年稚本誓願力不作眾惡

體性賢善於諸眾生有深悲愍雖處王宮志求

閑靜雖處華堂猶如冢間雖處憤鬧修行禪思

默患生死稱量其過以道修心喜捨王務諸

臣諫曰今日大王專行道行不理國事若如是者衆惡必起敗正風化譬如渡海若無船師必爲諸難之所敗壞即說偈言

王承祖先嗣

籍地如法得

唯垂理萬民

願莫放捨國

若王正法治

諸善無過者

人帝應當知

護國福最勝

余時其王聞是語已歎息思惟說偈答曰

我若不理國

吾國必當敗

我力能護國

邊惡不敢侵

若我治國者

王務塵我心

若有犯罪者

必須加毀害

當言繫閉彼

當截彼手足

彼應入罪死

彼應挑其眼

如今濁惡世

必當須刑戮

若行刑戮者

即是旃陁羅

時王即告所親愛臣汝今且聽吾所食者不
過一味吾所衣者不過一襲所坐卧處不過
容身自此而觀何用多求而無厭足王位所
以稱尊者以其教令必行無不承肅唯有此
事取異衆庶又告輔相王者所重唯此一事

我今付汝汝今應當畏於後世正法治國賦
斂依舊莫違常限即說偈言

我雖生王宮

承籍祖先後

而我未習學

刑戮搥罰事

我今怖畏故

不能造此業

汝今莫効我

但當育民庶

世人皆愚癡

各自作愆過

於所犯罪中

復生其恐怖

汝當以正法

撫育施無畏

當依於正法

化導於民庶

時王說偈已即便以國付此大臣而此大臣
既得國已於二年中寬縱無度不恤萬民恣
心極意作諸非法漸漸經久榮位深重便生
僑逸行諸非法如河暴長多所損壞城中富
有一切稅奪時城內人皆諫之曰莫爲此事
聞他忠言倍生瞋恚慙慙作色而作是言汝
等何敢發如是語諸人懼畏不敢應王由是
之故所行無道日日轉盛如火得乾薪其燄
轉熾淫荒暴亂所爲悖逆王所愛婦亦復妻
掠時王夫人見其如是懊惱垂淚而往白王

瞋心猛盛脣口瞬動言不解了猶如嬰兒以
此情事具向王說王聞是已即召令來而語
之言我之妃后汝尚隱忍能行非法況復萬
民主即教誡自今已後更莫如是時彼輔相
見王嫌已并民馱患即便棄國逃至他土將
彼國王及其軍衆還向本國規欲討伐時本
國中諸舊輔相將兵逆拒破其軍衆生擒將
還舊輔相等復白王言彼人侵毀於王即將
彼自詣于王所王時見其顏色旣變有慚懼
相王曰怪哉生死即說偈言
愚癡覆蔽心 不覺後大苦 為小樂緣故
今受此慚恥 譬如上饒食 色香皆具足

其中雜毒藥

愚人不觀察

貪味故取食

食消則成害

王告諸輔相彼之愆過雖復尤重然我意者不欲加害復說偈言

一切皆愛壽

宜速赦彼罪

不見害他命

而得安樂者

犯罪深重者

應向生慈心

彼自招罪害

當宜生哀矜

若害於彼命

自毀所愛法

諸舊臣等即白王言我等今者雖違王敕必

當加害終不縱捨即於王前拔劍斬之王見

殺已即生厭惡見前境界便見過去修忍之

心尋時開解悟辟支佛道如優鉢羅華開敷

之時踊身虛空一切臣佐合掌仰瞻辟支佛
狀生死者證道如是我今所得持戒果報即
說偈言

我雖服瓔珞

心修淨梵行

檢身調伏根

擔怕常寂滅

於一切人所

而捨刀兵仗

修於獨一行

如犀牛一角

說是偈已鬚髮自落時淨居天即奉袈裟尋
即飛空詣雪山中時彼山中有辟支佛而問
之言汝處王位狀惡何事悟斯道跡即說上
偈而用答之

是故如來為不能修行忍故故說忍辱因緣
以貪親近慣鬧故故說不親近因緣欲使解

辟支佛功德故故說辟支佛因緣佛為諸天
於善法堂上說辟支佛因緣佛於三十三天
使諸天生厭惡故故說斯事婆四吒辟支佛
於毗舍離說捨身入涅槃今現有塔名優陀
耶

輔相蘇摩悟辟支佛緣

堅持禁戒不毀行
不從他學不惱彼

諸有智者得解脫
獨一之行如犀角

曾從諸師聞如是說迦葉佛時有一比丘於
十千歲修行梵行坐禪得忍修持禁戒離於
憤鬧具頭陀行命終生天於天宮中受五欲
樂從天壽盡生娑翅多城輔相夫人提婆胎

中尔時夫人說偈白夫

我今有娠心甚愛樂必有福人來爲我子
由是之故乃於一切常生悲愍又我今者放
逸心息更無欲想譬如海中摩梨大山能截
水波我今欲息亦復如是我今畏於妄言常
思實語又如功德善人畏於缺失今我慎懼
亦復如是我今見酒如覩毒藥畏他財物如
畏火聚如是衆惡今悉捨離皆由我胎福德
之子姪欲旣除用爲快樂尔時輔相即語婦
言今恣汝意修行五戒夫人尔時修行衆善
滿十月已而生其子字曰蘇摩漸漸長大一
切經論六十四藝無不明達端正殊妙猶如

蘇月能使父母情願滿足遂至盛年輔相請
王我今年老當爲後世聽我修福時王荅言
我今不能放汝修福而爲障礙汝子蘇摩使
代汝處以供給我任汝修善輔相歡喜王以
蘇摩用爲輔相給賜爵賞倍勝於父衆人愛
敬同於往古牛王太目能生一切女人愛敬
時王夫人愛著蘇摩語蘇摩言汝今若能稱
我願者能使舉國并及於王盡隨從汝又能
使汝不得惡名其所施教與王無異尔時蘇
摩執志堅固而不怯弱以偈荅言
請聽所說 莫見嫌責 我聞此語 如滲入地
譬如羸馬 困乏之時 騎入戰陣 不堪前進

我見他婦 情無染著 心意不開 如夜藕花

凡在所敬 與母無異 況在夫人 是我所尊

我堅持心 敬事所尊 我為君子 不應為逆

又我情欲 發動之時 見他婦女 自然休息

彼暴水起 多諸波涌 我如秋水 自然潔清

尔時夫人 心自念言 彼若斷我 親昵意者

我必於彼 而生誹謗 即白王言 輔相蘇摩

舉意無理 欲侵辱我

時王意惑疑審尔不尔時蘇摩往至園苑見

兩牛耕輓在項上極大疲苦生馱惡心時王

奔惑信夫人讒言即便遣使往殺蘇摩尔時

蘇摩如馬被射箭徹于骨即自思惟人富貴

時所愛之色盡來在前如雜毒食極為香美
食欲消時身則壞敗如人貪五欲其味甚妙
譬如金屋為火所燒人貪其色入中被害命
欲盡時心意擾亂即自安慰而自念言我持
淨戒無有毀缺我之持戒如犛牛愛尾我守
禁戒猶如貧人得地伏藏勤加守護而說偈
言

麤澀嶮惡道

我已得度之

我遭急危事

護戒而不捨

猶如大海潮

不失於期限

今我守持戒

其事亦如是

說是偈已尔時諸天并諸善神見此輔相誓
願如是皆生歡喜時諸惡鬼尋著夫人夫人

狂發即於王前爲鬼所著而說偈言

我今自壞破

我應身受死

彼是純善人

不應加傷害

我之癡嬰愚

口吹須弥山

不能令動搖

彼實無穢行

我妄生是謗

時彼輔相於園苑中思惟猷惡得辟支佛踊

昇虛空鬚髮自落時淨居天即奉袈裟亦時

諸人勸請之言願莫捨我而上天上時辟支

佛說如上偈以答諸人飛至雪山見諸辟支

佛亦如上事而具說之

月愛大目悟辟支佛緣

海潮不過限

犂牛守尾死

如月性自冷

不可變令熱

調伏諸根者

守護戒亦亦

是名獨一行

如犀角無二

往昔諸大師

展轉相教授

我從先勝聞

今欲顯說之

過去世時有辟支佛名曰月愛於婆伽婆迦

葉佛所種諸善根善修戒行恒以智慧觀於

諸陰皆悉無常於彼佛所竟不獲得沙門道

果於彼命終即生天上以宿善力受天快樂

天壽盡已下還人間生瞻婆國中長老者家

初生冲雅恒依戒禁而自修身觀其善行過

於宿老亦不輕躁無有瞋嫌所有資財周給

貧乏隨家豐約與衆共分以戒瓔珞而自莊

嚴其父命終順法治家彼城人民見其忠謹

深生敬信同於師長其年盛壯姿顏端正諸

少婦女一切見者無不耽愛諸商估客以其
忠實咸來依附于時北方有諸估客多乘好
馬至瞻婆國時瞻婆國王盡取其馬王心暴
虐不依正法王自思惟我今多取彼馬云何
當得不與價直而得其馬即與佞臣集議此
事佞臣白王言若酬其價庫藏竭盡王即答
言我於今者若不與直我之惡名流布天下
一切國民當患於我復當斷絕四方商估佞
臣復言爲王計者不須錢財而得其馬復能
令王惡名不出國民不患今王國內月愛大
臣爲一切人之所體信彼若來索王但當言
我遣月愛送金付汝時彼估客有萬匹馬其

一一馬各直一萬金錢若王但言月愛大臣
與其直者國內人民必生疑惑或疑於王或
疑月愛王之惡名不必彰露亦復不為萬民
厭患諸商估人來白王言歸我馬價我欲還
家王即答言我先不使月愛償尔價耶寧可
再過無尔直乎諸估客等即答王言此月愛
者從先已來實不與我馬之價直而彼忠信
寧捨身命終不妄語言與我價即說偈言
假使月雨火 日雨於冷水 壓沙得膏油
鑽水而得酥 火中生蓮花 欲令彼月愛
作麤獷妄語 終無有是處
諸估客等復白王言人中之天設使月愛審

如王勅言與我者我終不恨時王即召月愛
而語之言汝先不在我前我與汝金償一估
客耶王即動目現作詭相汝不從我我定殺
汝時月愛臣知自思惟我於今日為從實語
為用王言復自惟忖為取法身勝耶此身勝
耶即自決計我今寧捨此身終不捨於戒法
身即說偈言
我今自思惟 於此二身中 為當捨何身
復諦自觀察 寧捨鄙穢形 終不捨戒律
若當捨法身 惡名即流布 我處善衆手
為彼所攜持 若我為惡者 我自不甘樂
心生悔熱火 捨此穢身已 當趣於地獄

自毀禁戒行

終不得安樂

但為一形樂

虧損無量身

若當護戒者

無量身安樂

是故我應當

覆護於法身

不令有毀壞

為利正法故

當斷於妄語

月愛大目即白王言願王開恩莫忿於我我

實不憶見王與彼價時王即大怒扣劍而言

云何不見月愛大目自定其意而作是念

寧為聖法死

不為愚癡生

一切諸有生

誰有不死者

我今若受死

為法故喪身

決定生天上

何足生驚畏

即答王言假使王今切割我身碎如胡麻所

受禁戒終不放捨今我住於仙聖道中若以

此舌作妄語者非我所宜我今若當爲王故
作妄語後墮地獄何所恃怙王時著愧倍增瞋
忿怒眼視之如熾然火月愛尔時心生歡喜
今正是我生定意時今正是我秉持法時更
於何處欲求聞法今日此即爲我說法令我
爲法乃至捨命今王於我真大親友如是念
法即時開悟得辟支佛踊身虛空令破戒者
見其如是皆生慚愧爲修善者增長信行爲
實語者現實事果於虛空中鬚髮自落時淨
居天奉其法服飛往香山與諸辟支佛共集
一處說偈如上

王舍城大長者悟辟支佛緣

譬如稠林中

欲挽大樹出

枝柯相妨礙

求出將無由

在家如稠林

衆務如枝柯

雖欲求出家

縛著永無因

靜處於林野

觀境修其心

解脫衆緣務

離諸所親愛

修於一獨行

如犀角無二

先師相傳授

我得聞斯事

昔有辟支佛於過去五佛所恒修諸善爲優
婆塞樂著家事雖覩諸佛不求出家然其專
心持在家戒無有毀犯善根漸增於迦葉佛
所出家學道樂修頭陀六物具足厭惡於欲
於彼命終得生天宮從天壽盡生王舍城大
長者家此長者家財富無量倉庫盈溢以漸

長大遂至盛年父命終後縱意快樂如毗沙
門子那羅究伏羅在己家中樂諸緣務生育
男女各三十人庫藏僕從其數甚衆男女婚
娶其事衆多但營目前忘所修法爲緣務所
縛不捨家業於僕從所聞諸親戚多有死喪
汝某甲舍旣遭喪禍又失鞍馬廣聞如是喪
失之聲愁毒懊惱如似百箭一時入心亦聞
美善可愛之語家之估客大獲珍寶安隱還
歸其子某甲產生男兒又聞己女生於福子
復生歡喜聞向衰利憂喜交集猶如作伎所
旋之輪與一親友至園苑中適行遊觀到一
林間見有一人斫於大樹枝柯條葉繁美茂

盛使多象挽不能令出斫一小樹無諸枝柯
一人獨挽都無滯礙即挽出林見斯事已即
自思惟而作是言我於今者得見因緣即說
偈言

我見伐大樹 枝葉極繁多 稠林相鈎挂
無由可得出 世間亦如是 男女諸眷屬

愛憎繫縛心 於生死稠林 不可得解脫

小樹無枝柯 稠林不能礙 觀彼覺悟我

斷絕於親愛 於生死稠林 自然得解脫

即於彼處得辟支佛道時彼親友即語之言

日已向暮可共還家答親友言汝自歸家我

向家因今已斷竟親友問言汝云何斷答言

我昔由愛故著居家今我已斷如此愛業人所愛者妻子眷屬小子稚孫恩愛憍恣若見父時弄聲不了疾走攀緣戀眷此事故生愛著我於妻子及以眷屬如此之事愛心永息我本在家管理衆務或出或入或言與彼或言取此或言應作或言不應作如此之事我

今已斷已捨欲樂獲解脫樂伐愛樹根閉諸趣門滅大暗障我於赤子反似怨家等無有異今我如是云何而當復還家耶時其親友即還家中語其男女男女大小聞其不來悉往就看看眷屬既至但見其父沙門法服飛昇虛空男女白言今以何事厭惡眷屬處虛空

中即說上偈以答男女

既說偈已即時飛至雪山之中與諸辟支佛
共集會已還來到本得道園中捨身涅槃時
其眷屬爲造塔廟時人因名爲多子塔凡諸
智人善根成熟以少因緣便得開悟

波羅柰國王月出悟辟支佛緣

妻子親友財

生死中過患

處林寂解脫

猶如犀一角

從善逝所聞

傳至於我師

我復從師聞

今當演說之

昔有辟支佛於迦葉佛所萬二千歲修行梵
行恒修忍辱慈悲衆生乃至微戒不曾毀犯
命終生天彼天命終下生人間波羅柰國國

王之冢月出時生因名月出以漸長大立爲太子其父王崩繼紹王位以宿善力作正法王治國遣輔相子典領小國以女妻之此輔相子勇力絕倫多有眷屬自恃驕豪越逸過度時國王子以輔相子是姊妹夫極成親昵因其私屏開宴之處陰搆讒計語王子言介之叔父兄弟眷屬其數甚多而世人多用婦語介之父王一旦傾覆介之諸母或生讒諂自用其子以此推之汝父王位必不至汝曼王未覺宜早啣之夫王位者天下之尊極樂之處與天無異一切世人無不信伏若爲國主以法治國命終之後必得生天譬如美肉

衆皆嗜之王位亦尔無不貪者即說偈言

譬如水未至 宜預造橋梁 瀑流若卒到

不得有所為 王位亦如是 宜應先蓄之

擒獲在汝手 尔乃可自安 兄弟更相嫉

後求甚不易 王子思惟言 如此親友者

將欲陷墜我 如灰覆熾火 現在既無樂

來世獲大苦

尔時王子具以上事往白父王王聞子語頻

蹙怒眼目如赤銅王當是時勅語使言曼其

未洩急追將來時王子聞輔相子來即便出

迎既相見已尋時遇患使還白王言王子病

極成委篤王聞是事即自出看既觀其子所

患困篤命在危愒四大苦痛見此事已便自
思惟此王位者甚爲大惡然彼輔相子陰
教我子悖逆反常欲爲不軌而我王位非彼
能得我子今者患苦垂命一切世人皆生貪
嫉以此而言當知王位惡鄙弊處何故鄙弊
以王位故捨其善行爲王位故害父及祖爲
親厚者作大過惡捨於慚愧能使憍逸爲少
樂故不畏後世即說偈言

如蛾投熾火

貪國盲亦介

深著於得失

作以及不作

沒國事淤泥

不得寂定處

作是思惟時

身行極清淨

速得厭惡心

即獲辟支佛

復有師云此王見兒患已即便還宮有一隣
國親厚之主為賊所逼即遣使來求索援助
此王聞已尋將兵眾往救彼王既到彼國連
兵交刃極相殺害乃至婦人胎中小兒割而
殺之王見斯事深於王位生於獸惡即說偈
言

貪國微小樂

沒溺欲泥中

欲忿既增長

鬪戰生是非

以貪財利故

互共相殺害

不求勝解脫

盡滅於王位

如大熾火中

飛蛾投而死

怪哉生死中

所作事顛倒

極作劬勞業

反獲其苦殃

如彼高山巖

崖傍有蜜蜂

愚人貪少味

不覺墮墜苦

如是自思惟 即得辟支佛

即告子言汝能不用惡人之言無悖逆意汝
若治國必以正法我今以國付囑於汝吾將
欲去子及輔相一切眷屬聞王此語悉皆懊
惱涕泣流淚合掌白王不審大王欲何處去
尔時父王踊身虚空在日出山上說如上偈
著沙門服作十八種變國人見者無不歡喜
譬如調馬若見鞭影即便調順智人亦爾見
他受苦心即調順

拘舍弥國王大帝悟辟支佛緣

父母及妻子

穀帛財寶等

智者深觀察

暫過如客舍

棄捨於愛欲

獨行如犀角

我昔從諸師 傳授聞此事

昔有曾於迦葉佛所作比丘智慧聰敏柔和
忍辱於日日中常觀諸法真實體性所謂觀
陰苦空無常無我猶如芭蕉熱時之燄如幻
如夢如水泡沫能善觀察自修其心命終生
天於天壽盡下生拘舍弥城爲國王子名曰
大帝其父王崩承嗣先業紹繼王位如劫初
諸王善修戒行正法治國尔時城中有大長
者財富無量與大帝王少爲親舊極相厚昵
彼大長者身嬰重疾王聞其疾躬自往問見
長者病形容委悴王心不樂佞頭愁慘時彼
長者以七寶鉢盛滿中金用奉獻王王言長

者汝今疾苦極困篤耶長者對曰願王顧視聽我所說

我家大巨富猶如毗沙門愛語及財寶

多集親友衆妻子與眷屬僮僕諸走使

我皆恣所欲待遇極豐厚今我死時至

無一爲我伴王即慰勞言此語極真實

汝子與諸親財寶衆庫藏及我勇健力

象馬車步兵雖有如是等無能救拔者

我等諸親友見汝遇苦患但有慰喻言

憂愁流涕淚及汝命將絕無能救濟者

唯當自恃汝由來所作善王諦觀其病

心如得禪者深悟諸苦患衆生決定有

一切有生類

必為病所趣

病常惱患人

無有哀愍者

一切世間人

決定入死道

都不生厭畏

言此我妻子

彼是我親屬

此是我財賄

彼親厚於我

我親友於彼

意為癡所病

橫作如是想

大災患在前

愚盲而不覩

上來諸所親

無能拔濟者

於此正思惟

即獲辟支佛

王之所親內外眷屬見王得道絕棄世事為

愛別離火之所燒然生大惱熱時辟支佛身

昇虛空作十八種變說如上偈

復有說云此王為王子時入園苑中見諸盲

者更互相捉聞王子出謂有飲食在於道側

不見道路墮大深坑有即死者有頭破者手
脚折者身體碎壞尔時王子見是衆苦厭患
思惟而作是言此覺悟我如是盲人亦曾富
貴由縱逸故今得是苦我於今者觀是事已
宜好檢行不應放逸即說偈言
譬火燒金鬘
而用爲首飾
金鬘雖珍妙

熾火終成害
王位亦如是
當慎莫放逸
此盲覺悟我
不宜自寬縱
因此王位故
身起大憍慢
威迫國人民
皆令生苦惱
後自受苦時
苦劇百千倍
因觀他受苦
云何能自安
此即是我師
示我衆苦患
作此思惟時
即獲辟支佛

尔時王子大賜盲者錢財珍寶沙門法服身
昇虛空現諸神變語諸親言而我今者不以
瞋恚怖畏憂愁故不嫌汝等故我捨親愛國
土人民都無怨親財錢寶物如上說偈

拘舍弥國王悟辟支佛緣

戲笑衆樂具

棄捨如涕唾

忍樂於出離

斷滅於諸苦

能盡貪愛癡

其心得解脫

由得解脫故

獨一如犀角

曾從先師所

得聞如是事

昔有辟支佛於過去佛所修諸善根於最後
身生拘舍弥國爲拘舍弥王其國土內有大
災變大旱惡風五星倒錯王即召太史占相

之徒說偈問言

何緣有是災

大旱不降雨

虛空無雲翳

觀日無威光

食肉諸惡鳥

烏鷄及鴉梟

迴翔虛空中

見者生恐怖

咸言如是災

是誰之所作

能使諸妖異

性變乃如是

余時太史即答王言隨我所知今當為說如

我意者一切國民必有逼迫苦惱之事王復

問言當以何方禳此災患太史白言王若欲

令國安隱者當隨我語即說偈言

王若能退位

脫服與餘人

具足滿六月

微服而行乞

災患自消除

王當如滿月

王隨彼語即捨其位微服行國漸漸經歷行

到婆翅多城到彼城已有異國王興軍來伐
婆翅多王爲國樂故興兵往拒兩陣交戰二
王俱死婆翅多城諸王子等競共爭國復大
戰鬪毗羅仙王見是事已唱言怪哉即說偈
言

王位雖尊豪

其樂甚輕微

云何爲是故

具受諸苦毒

競心生鬪戰

樂著隨衆惡

如蠅貪食蜜

著蜜無不喪

人亦復如是

爲貪小樂故

鬪戰自傷害

王位可鄙賤

多集諸苦惱

患害欲至滅

如飲雜毒漿

毒消身敗喪

爲一己身故

多有所傷害

愚貪王者樂

樂少苦甚多

我從今永止

更不求此樂 而此國事務 憂怖充其中

榮樂須臾頃 憂患苦延長 譬如妙金屋

火焚燄熾然 智者畏燒害 不應入其中

作是思惟時 即悟辟支佛 以神通力故

鬚髮自然落 即作沙門形 踊身昇虛空

尋於虛空中 即說如上偈

即飛至雪山諸辟支佛所時彼辟支佛問言

以何因緣得悟道果具說上偈答之

波羅柰國王親軍悟辟支佛緣

世間戲笑樂 及愛我我所 悉皆放棄捨

心意得解脫 諸根悉寂定 獨行如犀角

我昔從先師 傳聞如此事

過去波羅柰城王名曰親軍有二夫人心甚
愛悅樂著欲事恒爲放逸耽荒如醉亦如香
山逸象香流出時入摩梨山自縱欲事時二
夫人更相妬嫉各相伺便其一夫人便以毒
藥與其親信親信賫藥與彼夫人夫人得藥
狂悶而卧甚大苦毒尋便命終第二夫人見
其命終詐現懊惱自散其髮椎脅而哭舉宮
哀感王聞其死生大苦懊夫人左右所有直
人所著瓔珞嚴身之具悉皆挽絕以上全身
憂毒入心如彼群鵠爲鷹所逐如金翅鳥驚
諸龍女宮中采女爲死所驚亦復如是尔時
宮中譬如冢間又如黑塵掩蔽光明諸宮人

等爲憂所蔽亦復如是王聞宮人如是憂苦
心中驚動天冠瓔珞著身服飾皆棄于地入
到喪邊見諸采女哀苦理極王見是已生大
愁惱而自思惟即說偈言

譬如盛暑日

能炙好花萎

死日消人形

面色變青黑

脣齒塵垢穢

眼陷鼻角戾

歌舞妙容儀

直如木石

先者能令我

愛著極樂處

云何卒今日

能生我怖畏

可惡生死患

不淨極臭穢

如夢虛不實

亦如芭蕉心

無有堅實相

如幻泡沫

暫現如水波

智慧所馱患

不知觀察者

橫生樂著想

於此不淨中

橫生於身想

迷悶而守著 猶如睡眠者

如是思惟未久之間燒夫人屍喪事已竟第
二夫人為藏已過食好飲食詐自懊惱言欲
斷食現作哀慘然恐其過彰露發覺心中愁
結以愁結故飲食不消即成大病王見病已
倍增懊惱即生厭惡如此皆是生死過患即
說偈言

如女能生愛

生累極衆多

人中無不介

因愛生於樂

還復生大惡

愛為苦根本

見愛合會時

必知是無常

我所愛樂者

端正與盛年

一旦死來集

以是故當知

云何有是樂

誰有智慧人

恩愛合會時

而當生喜樂

畏老病死患

是故我永離

作此思惟時

即得辟支佛

即著王者衣服瓔珞飛昇虛空於虛空中說
如上偈變成沙門飛到雪山中諸辟支佛所
轉輪聖王最小子悟辟支佛緣

過去無量劫時有一轉輪聖王千子具足其

最小子見父乘金輪寶七寶具足四兵翼從

鼓蓋容飾悉皆具備其最小子即問母言我

當何時得是蓋等種種容飾母即答言汝至

骨朽亦不得是兒即問言何以不得汝有九

百九十九大兄應得紹位計其次第都不至

汝兒即思惟我既不得如是容飾生必有死

形骨腐敗以是種種思惟生死過患即時覺
悟得辟支佛身昇虛空作十八變母即復請
願莫遠去園苑中住受我供養時辟支佛受
諸母請即住後園日日供養經歷多時時辟
支佛狀是有身即便棄捨而入涅槃諸母戀
念大積香薪以燒其身收其舍利盛著寶鉢
即於後園為起大塔時轉輪王遊四域還到
後園中見有大塔怪而問之時守園者即白
王言是王最小之子得辟支佛於此涅槃諸
母於此為其起塔時轉輪王即召其母而問
之言我子云何死而起此塔時其母等具以
上事而白於王王責其母我兒欲得何不語

我今雖涅槃以王容飾置於塔上由是因緣
無量劫中恒為轉輪聖王食自然福至今不
盡若處生死應二千五百世為轉輪聖王由
成佛故得二千五百寶蓋阿闍世王上佛五
百寶蓋毗舍離律車子上佛五百寶蓋海龍
王上佛五百寶蓋阿須羅王亦上佛五百寶
蓋天帝釋亦上佛五百寶蓋余時世尊唯不
受一蓋何以故為將來弟子若乏衣食供養
以此福力當使人天自然供給以是因緣當
知賢聖福田深廣無量

辟支佛因緣論

渭

瑕穢 上音霞 懼怕 上徒敢反下正 林藪 下音叟澤 犀角 上音西

獨覺乘 憤鬧 上俱妹反 溺 奴的反 淤泥 上放 賑賜 上音振以財

年稚 下直利 籍地 上才 挑 土彫 刑戮 下音六 衣者 上去声

一龍衣 下音習單複皆 愆過 上去軋 恤 思律反 瀑 音暴 顛

蹙 上音頻下子 悖逆 上蒲 掠 音略 瞬動 音舜 規 均弥反 逆

拒 音巨 擒 音禽恒 哀矜 下居陵 猷惡 上一炎反 婆翅 音宮

如滲 下所禁反 藕花 上音偶 親昵 下尼日反 輓 音厄半領曲

讒言 上助銜 欺 息淺 犖牛 上莫交反尾 冲雅 上直弓 蹀

則到反心 煩擾也 高賈 下音古 暴虐 下魚 佞臣 上奴定 償 音常 壓

沙 音押 鑽 子言反 鹿麕 上倉胡反下俱 詭 過委反 惟村 下七本反

捐 音綠 鄙穢 上碑美反 扣劍 上苦候反一 秉持 上音丙 盈溢

下夷一 女妻 下七細反以 宴 於見反 曼 莫官反 嗜 音視 陷墜

三威字。泄音薛漏也。危下知勞反懼氣。軌俱冰反。援助上音陽。剥殺也。

必角反。崖傍上魚皆反。山側也。泡沫二音把末。身嬰下一盈反。當也抱也。愁慘下七。感反。

慰勞下郎到反。財賄下呼每反。鬚莫班反。亦作鬚。虜音逆反。就鳥音逆反。

音統鵬之類。鷄梟上又脂反。下古堯反。一名鷓。翔音祥。飛也。襍而羊反。除也。

推直追反。挽上音晚。土全下蒲悶反。鵠亂篤反。直上昌六反。先端直貞也。

者上去聲。四域下于力反成。



